

განმარტებითი ბარათი

საკრებულოს დადგენილების პროექტზე

„ლაგოდეხის მუნიციპალიტეტის 2023 წლის ბიუჯეტის დამტკიცების შესახებ“

ა) ზოგადი ინფორმაცია დადგენილების შესახებ:

ა.ა) დადგენილების მიღების მიზეზი:

დადგენილება მომზადებულია საქართველოს ადგილობრივი თვითმმართველობის კოდექსის 24-ე და 91 მუხლების შესაბამისად და განსაზღვრავს 2022 წლის განმავლობაში მისაღები შემოსულობებისა და გასაწევი გადასახდელების მაჩვენებლებს.

ა.ა.ა) პრობლემა რომლის გადაჭრასაც მიზნად ისახავს დადგენილება:

საქართველოს კანონმდებლობის თანახმად მუნიციპალიტეტის ბიუჯეტი წარმოადგენს მუნიციპალიტეტის საკრებულოს მიერ დამტკიცებულ, მუნიციპალიტეტის ფუნქციებისა და ვალდებულებების შესრულების მიზნით მისაღები შემოსულობების, გასაწევი გადასახდელებისა და ნაშთის ცვლილების ერთობლიობას.

ა.ა.ბ) არსებული პრობლემის გადასაჭრელად დადგენილების მიღების აუცილებლობა:

საქართველოს ადგილობრივი თვითმმართველობის კოდექსის და საქართველოს საბიუჯეტო კოდექსის თანახმად მუნიციპალიტეტის ბიუჯეტის დამტკიცების შესახებ დადგენილების პროექტის მუნიციპალიტეტის აღმასრულებელი ორგანოს მიერ მომზადება და მუნიციპალიტეტის საკრებულოს მიერ განხილვა და დამტკიცება ხორციელდება ყოველწლიურად.

ა.ბ) დადგენილების პროექტის მოსალოდნელი შედეგი:

„საქართველოს საბიუჯეტო კოდექსის“ 77-ე მუხლის შესაბამისად, 2023 წლის მუნიციპალიტეტის ბიუჯეტის შემოსულობების, გადასახდელების და ნაშთის ცვლილების დამტკიცება.

ა.გ) დადგენილების პროექტის ძირითადი არსი:

ძირითადი მაკროეკონომიკური მაჩვენებლები

ლაგოდეხის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2023-2026 წლების ძირითადი ეკონომიკური და ფინანსური ინდიკატორების საბაზო სცენარის (2023 წლის სახელმწიფო ბიუჯეტის შესახებ კანონპროექტის თანდართული მასალები) მიხედვით 2023 წლისთვის ნომინალური მშპ-ს ზრდის ტემპი განსაზღვრულია 10,3 პროცენტით. აღნიშნულიდან გამომდინარე მუნიციპალიტეტის 2023 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

ბიუჯეტის პარამეტრები

საგადასახადო შემოსავლები

საგადასახადო შემოსავლების საპროგნოზო მაჩვენებლები შეესაბამება საქართველოს საბიუჯეტო კოდექსის 77-ე მუხლის 6-ე და 6¹-ე პუნქტების გათვალისწინებით საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებს.

2023 წლის პროგნოზით მუნიციპალიტეტის ბიუჯეტის საგადასახადო შემოსავლები ნომინალურ გამოხატულებაში 17641.3 ათას ლარს შეადგენს. 2022 წლის გეგმიურ მაჩვენებელთან შედარებით 2023 წლის საგადასახადო შემოსავლების პროგნოზი იზრდება 1476.3 ათასი ლარით (9.1%-ით).

2023 წელს საგადასახადო შემოსავლების პროგნოზი გადასახადების სახეების მიხედვით შემდეგია:

- **დამატებული ღირებულების** გადასახადის საპროგნოზო მაჩვენებელი განისაზღვრა 15641.3 ათასი ლარით;

2022 წლის გეგმიურ მაჩვენებელთან შედარებით დღგ გაზრდილია 10.1%-ით (1431.3 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

- **ქონების** გადასახადის საპროგნოზო მაჩვენებელი შეადგენს 2000,0 ათას ლარს;

2022 წლის გეგმიურ მაჩვენებელთან შედარებით ქონების გადასახადი 2,3%-ით (45,0 ათასი ლარით) იზრდება.

2023 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

- **გრანტების** სახით დაგეგმილი მაჩვენებლები განისაზღვრება 342,9 ათასი ლარამდე, მათ შორის:

- ✓ სხვა დონის სახელმწიფო ერთეულებიდან მისაღები გრანტები 342,9,0 ათასი ლარი;

- **შემოსავლები საკუთრებიდან** განსაზღვრულია 330,0 ათასი ლარის ოდენობით, მათ შორის:

- ✓ პროცენტები 170,0 ათასი ლარი.

2022 წლის დამტკიცებულ გეგმიურ მაჩვენებელთან შედარებით პროცენტები 13,3%-ით (20,0 ათასი ლარით) იზრდება.

- ✓ რენტა 160,0 ათასი ლარი;

2022 წლის გეგმიურ მაჩვენებელთან შედარებით რენტა 6,6%-ით (10,0 ათასი ლარით) იზრდება.

- **შემოსავლები საქონელისა და მომსახურების რეალიზაციიდან** განსაზღვრულია 210,0 ათასი ლარის ოდენობით, მათ შორის:

- ✓ სანებართვო მოსაკრებლები 30,0 ათასი ლარი;

- ✓ მოსაკრებელი დასახლებული ტერიტორიის დასუფთავებისათვის 180,0 ათასი ლარი;
- შემოსავლები სანქციები, ჯარიმები და საურავებიდან განსაზღვრულია 250,0 ათასი ლარის ოდენობით.

მუნიციპალიტეტის ბიუჯეტის გადასახდელები

მუნიციპალიტეტის 2023 წლის ბიუჯეტის გადასახდელების მოცულობა შეადგენს 18774.2 ათას ლარს (2022 წლის დამტკიცებულ გეგმასთან შედარებით იზრდება 2683.2 ათასი ლარით).

პრიორიტეტების მიხედვით გათვალისწინებულია:

- ინფრასტრუქტურის განვითარება - 4836,0 ათასი ლარი; მათ შორის:

- ✓ საგზაო ინფრასტრუქტურის განვითარება - 2351,0 ათასი ლარი;

განხორციელდება შემდეგი ობიექტების მშენებლობა რეაბილიტაცია:

1. ქ. ლაგოდეხში ჭავჭავაძის ქუჩის სარეაბილიტაციო სამუშაოები
2. ქ. ლაგოდეხში დ. აღმაშენებლის ქუჩაზე ასაფალტის საფარის მოწყობის სამუშაოები
3. ქ. ლაგოდეხში ვაჟა-ფშაველას ქუჩის სარეაბილიტაციო სამუშაოები
4. სოფელ ჭიაურში მე-3 ქუჩის სარეაბილიტაციო სამუშაოები
5. სოფელ ჭიაურში პირველი ქუჩის სარეაბილიტაციო სამუშაოები

- ✓ წყლის სისტემების განვითარება -1015,0 ათასი ლარი;

განხორციელდება სოფელ მსხალგორში სასმელი წყლის მაგისტრალის მოწყობა.

- ✓ გარე განათება - 1045,0 ათასი ლარი;

- ✓ საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 300,0 ათასი ლარი.

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის დამზადების ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

- დასუფთავება და გარემოს დაცვა განისაზღვრა - 2005,0 ათასი ლარი; მათ შორის:

- ✓ დასუფთავება და ნარჩენების გატანა - 1270,0 ათასი ლარი

პროგრამის ფარგლებში განხორციელდება მუნიციპალიტეტის ქალაქისა და სოფლების დაგვა-დასუფთავება და ნარჩენების გატანა, გარე ქსელის ბუნკერებიდან საყოფაცხოვრებო ნარჩენების შეგროვება და გატანა.

- ✓ მწვანე ნარგავების მოვლა-პატრონობა, განვითარება - 215,0 ათასი ლარი

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში

მოხდება მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების რეაბილიტაცია-ექსპლოატაცია და მოვლა-პატრონობა.

✓ **კაპიტალური დაზანდებები დასუფთავების სფეროში - 420,0 ათასი ლარი;**

პროგრამის ფარგლებში განხორციელდება ლაგოდეხის მუნიციპალიტეტისათვის 2 ერთეული სატვირთო ავტომობილის და 1 ამწე კალათის შეძენა.

✓ **უპატრონო ცხოველების მოვლითი ღონისძიებები 100,0 ათასი ლარი.**

➤ **განათლება - 4000,0 ათასი ლარი, მათ შორის:**

✓ **სკოლამდელი განათლება - 4000,0 ათასი ლარი;**

2022 წელთან შედარებით თანხები გაზრდილია 481,0 ათასი ლარით, რაც ნაწილობრივ გამოწვეულია სკოლამდელი დაწესებულებების თანამშრომელთა ხელფასის ზრდით;

➤ **კულტურა, ახალგაზრდობა და სპორტი - 1628,5 ათასი ლარი მათ შორის:**

✓ **სპორტის განვითარების ხელშეწყობა - 100,0 ათასი ლარი;**

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა, ასევე ითვალისწინებს საქართველოს სახელით მოასპარეზე, ლაგოდეხის მუნიციპალიტეტის ა(ა)იპ კულტურის, სპორტისა და ახალგაზრდობის განვითარების ცენტრში მოქმედ სპორტულ წრეებში აღზრდილი და ბოლო სამი წლის განმავლობაში ლაგოდეხში მუნიციპალიტეტში რეგისტრირებული წარმატებულ სპორტსმენთა და მწვრთნელთა დაჯილდოებას.

✓ **კულტურის განვითარების ხელშეწყობა -1435.5 ათასი ლარი;**

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მუზეუმისა და კულტურისა ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში განხორციელდება სხვადასხვა კულტურული ღონისძიება, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

✓ **ახალგაზრდობის მხარდაჭერა - 38.0 ათასი ლარი;**

პროგრამის ფარგლებში დაგეგმილია მომავალი თაობის ფიზიკური გაჯანსაღების მიზნით ტურისტული ლაშქრობები. ასევე ახალგაზრდა თაობის ჩართვა მუნიციპალიტეტის ყოველდღიურ საქმიანობაში. ახალგაზრდების ინიციატივებით სხვადასხვა პროექტების განხორციელება და სხვა.

✓ **„ლაგოდეხის მუნიციპალიტეტის ახალგაზრდული საბჭოების ინიციატივების“ დაფინანსება/თანადაფინანსება - 55,0 ათასი ლარი.**

➤ **ჯანმრთელობის დაცვა და სოციალური უზრუნველყოფა - 1340,7 ათასი ლარი, მათ შორის:**

✓ **საზოგადოებრივი ჯანმრთელობისა და უსაფრთხო გარემოს უზრუნველყოფა - 180,0 ათასი ლარი;**

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული

ფუნქციების დაფინანსებას, კერძოდ: არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, · დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება; · მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;

- ✓ **2022 წლის დამტკიცებულ ბიუჯეტთან შედარებით 2023 წელს სოციალური პროგრამების დაფინანსება იზრდება 231.1 ათასი ლარით და ხდება 1177,5 ათასი ლარი, მათ შორის;**
 - ✓ ჰემო დიალიზზე და პერიტონიალურ დიალიზზე მყოფ მოქალაქეთა სოციალური დაცვა -75.0 ათასი ლარი.
 - ✓ ოჯახებისა და ბავშვების სოციალური დაცვა - 190.0 ათასი ლარი.
 - ✓ სამედიცინო კვლევებისა და სტაციონარული მომსახურების თანადაფინანსება - 330.0 ათასი ლარი.
 - ✓ უმწეო ხანდაზმულთა სოციალური რეაბილიტაციის თანადაფინანსების პროგრამა - 75.0 ათასი ლარი.
 - ✓ სტუდენტების დახმარების პროგრამა -125.0 ათასი ლარი.
 - ✓ მზრუნველობამოკლებულთა უფასო კვებით უზრუნველყოფა -160.0 ათასი ლარი.
 - ✓ იძულებით გადაადგილებულ პირთა დახმარების პროგრამა -14.5 ათასი ლარი.
 - ✓ ომის მონაწილე ვეტერანებისა და მათი ოჯახების დახმარების პროგრამა -5.0 ათასი ლარი.
 - ✓ მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა -60.0 ათასი ლარი.
 - ✓ უკიდურესად გაჭირვებული და სოციალურად დაუცველი ოჯახებისათვის თბობის სეზონთან დაკავშირებით ელექტროენერჯის ან/და ბუნებრივი აირის ღირებულების თანადაფინანსება -50.0 ათასი ლარი.
 - ✓ 100 და მეტი წლის ხანდაზმულ პირთა დახმარების პროგრამა -3.0 ათასი ლარი.
 - ✓ სარიტუალო ხარჯი -7.0 ათასი ლარი.
 - ✓ შეზღუდული შესაძლებლობების მქონე პირთა და შეზღუდული შესაძლებლობების მქონე ბავშვთა დახმარების პროგრამა- 73.0 ათასი ლარი.
 - ✓ სოციალური მიზნის მქონე პროექტების დაფინანსება/თანადაფინანსება- 10,0 ათასი ლარი.
- **მმართველობა - 4943.4 ათასი ლარი, მათ შორის:**
- ✓ საკრებულოს დაფინანსება - 1242,5 ათასი ლარი;
 - ✓ მერია - 3134,8 ათასი ლარი;
 - ✓ სამხედრო აღრიცხვისა და გაწვევის სამსახური 146.4 ათასი ლარი;
 - ✓ სარეზერვო ფონდი - 250,0 ათასი ლარი;
 - ✓ თანამშრომლების სწავლება გადამზადება - 32,0 ათასი ლარი;
 - ✓ გენდერული თანასწორობის საბჭოს საქმიანობის უზრუნველყოფა 35,0 ათასი ლარი;
 - ✓ სსიპ მუნიციპალური განვითარების ფონდისთვის გადასახდელი თანხა და ვალის მომსახურება 96,5 ათასი ლარი, მათ შორის ძირი 74.4 ათასი ლარი და პროცენტი - 22,1 ათასი ლარი.

მხარჯავი დაწესებულებების მიხედვით მუნიციპალიტეტის ბიუჯეტის ასიგნებები შემდეგნაირად განისაზღვრება:

პროგრამული კოდი	დასახელება	/ათასი ლარი/ 2022 წლის პროექტი
	სულ ჯამი	18744.2
01 01 01	ლაგოდეხის მუნიციპალიტეტის საკრებულო	1242.5
01 01 02	ლაგოდეხის მუნიციპალიტეტის მერია	3134.8
01 01 03	სამხედრო აღრიცხვისა და გაწვევის სამსახური	146.4
01 01 04	თანამშრომელთა გადამზადების ხარჯი	32.0
01 01 05	გენდერული თანასწორობის საბჭოს საქმიანობის უზრუნველყოფა	35.0
01 02 01	სარეზერვო ფონდი	250.0
01 02 02	წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა	10.0
01 02 03	მუნიციპალიტეტის ვალდებულებების მომსახურება და დაფარვა	96.5
02 01 01	გზების მიმდინარე შეკეთება	200.0
02 01 02	გზების კაპიტალური შეკეთება	2,071.0
02 01 03	საგზაო ნიშნები და უსაფრთხოება	80.0
02 02 01	სასმელი წყლის სისტემის ექსპლოატაცია	115.0
02 02 02	სასმელი წყლის სისტემის მოწყობა-რეაბილიტაცია	900.0
02 03 01	გარე განათების ქსელის ექსპლოატაცია	295.0
02 03 02	გარე განათების ქსელის მოწყობა-რეაბილიტაცია	750.0
02 05 01	საზოგადოებრივი სივრცეების მოწყობა-რეაბილიტაცია	25.0
02 05 03	სადღესასწაულო ღონისძიებები	100.0
02 07	სარწყავი არხების და ნაპირსამაგრი ნაგებობების მოწყობა, რეაბილიტაცია და ექსპლოატაცია	0
02 08	საპროექტო დოკუმენტაციისა და საექსპერტო მომსახურების შესყიდვა	300.0
03 01	დასუფთავება და ნარჩენების გატანა	1,270.0
03 02	მწვანე ნარგავების მოვლა-პატრონობა, განვითარება	215.0
03 03	კაპიტალური დაბანდებები დასუფთავების სფეროში	420.0
03 04	უპატრონო ცხოველების მოვლითი ღონისძიებები	100.0
04 01	სკოლამდელი დაწესებულებების ფუნქციონირება	4000.0
05 01 01	სპორტული დაწესებულებების ხელშეწყობა	80.0
05 01 02	წარმატებულ სპორტსმენთა და მწვრთნელთა დაჯილდოება	20.0
05 02 01	კულტურის სფეროს დაწესებულებების ხელშეწყობა	1,107.0
05 02 02	სახელოვნებო განათლების ხელშეწყობა	288.5
05 02 03	კაპიტალური დაბანდებები კულტურის სფეროში	0
05 02 04	რელიგიური ორგანიზაციების ხელშეწყობა	40.0
05 03	ახალგაზრდობის მხარდაჭერა	38.0
05 04	„ლაგოდეხის მუნიციპალიტეტის ახალგაზრდული საბჭოების ინიციატივების“ დაფინანსება/თანადაფინანსება	55.0
06 01 01	საზოგადოებრივი ჯანმრთელობისა და უსაფრთხო გარემოს უზრუნველყოფა	180.0
06 02 01	ჰემო დიალიზზე და პერიტონიალურ დიალიზზე მყოფ მოქალაქეთა სოციალური დაცვა	75.0
06 02 02	ოჯახებისა და ბავშვების სოციალური დაცვა	190.0
06 02 03	სამედიცინო კვლევებისა და სტაციონარული მომსახურების თანადაფინანსება	330.0
06 02 04	უმწეო ხანდაზმულთა სოციალური რეაბილიტაციის თანადაფინანსების პროგრამა	75.0
06 02 05	სტუდენტების დახმარების პროგრამა	125.0
06 02 06	მზრუნველობამოკლებულთა უფასო კვებით უზრუნველყოფა	160.0
06 02 07	იძულებით გადაადგილებულ პირთა დახმარების პროგრამა	14.5

პროგრამული კოდი	დასახელება	2022 წლის პროექტი
06 02 08	ომის მონაწილე ვეტერანებისა და მათი ოჯახების დახმარების პროგრამა	5.0
06 02 09	მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა	60.0
06 02 10	უკიდურესად გაჭირვებული და სოციალურად დაუცველი ოჯახებისათვის თბობის სეზონთან დაკავშირებით ელექტროენერჯის ან/და ბუნებრივი აირის ღირებულების თანადაფინანსება	50.0
06 02 11	100 და მეტი წლის ხანდაზმულ პირთა დახმარების პროგრამა	3.0
06 02 12	სარიტუალო ხარჯი	7.0
06 02 13	შეზღუდული შესაძლებლობების მქონე პირთა და შეზღუდული შესაძლებლობების მქონე ბავშვთა დახმარების პროგრამა	73.0
06 02 15	სოციალური მიზნის მქონე პროექტების დაფინანსება/თანადაფინანსება	10.0

ლაგოდეხის მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში

- საერთო დანიშნულების სახელმწიფო მომსახურება - 4,716.4 ათასი ლარი;
- თავდაცვა - 146.4 ათასი ლარი;
- ეკონომიკური საქმიანობა - 2,351.0 ათასი ლარი;
- გარემოს დაცვა - 1,485.50 ათასი ლარი;
- საბინაო-კომუნალური მეურნეობა - 2,585.0 ათასი ლარი;
- ჯანმრთელობის დაცვა - 180.0 ათასი ლარი;
- დასვენება, კულტურა და რელიგია 1,622.1 ათასი ლარი;
- განათლება - 4000.0 ათასი ლარი;
- სოციალური დაცვა - 1177.5 ათასი ლარი;

„ლაგოდეხის მუნიციპალიტეტის 2023 წლის ბიუჯეტის დამტკიცების შესახებ“ დადგენილების პროექტთან ერთად წარმოდგენილია:

1. მუნიციპალიტეტის პრიორიტეტების დოკუმენტი (2023-2026 წლები);
2. ინფორმაცია 2022 წლის 9 თვის შესრულების შესახებ;
3. ინფორმაციას ბიუჯეტით განსაზღვრული პროგრამების/ქვეპროგრამების, მათი მოსალოდნელი შედეგებისა და შესრულების შეფასების ინდიკატორების შესახებ;
4. კაპიტალური ბიუჯეტის დანართი;
5. ინფორმაცია მუნიციპალიტეტის მიერ დაფუძნებული ა(ა)იპ-ების შემოსულობების, გადასახდელების და ნაშთის ცვლილების შესახებ;
6. მოქალაქის გზამკვლევი (ლაგოდეხის მუნიციპალიტეტის 2023 წლის ბიუჯეტი და 2023-2026 წლების პრიორიტეტების დოკუმენტი).

ე) დადგენილების ავტორი

მუნიციპალიტეტის საფინანსო-საბიუჯეტო სამსახური

ვ) დადგენილების ინიციატორი

მუნიციპალიტეტის მერი